

Stimming

I.

Belhs m?es l?estius el temps floritz,
quan l?auzelh chanton sotz la flor,
mas ieu tenc l?ivern per gensor,
quar mais de joi mi es cobitz;
e quant hom ve son jauzimen,
es ben razos e d?avinen,
qu?om sia plus coindes e guais.

II.

Er ai ieu joi e sui jauzitz
e restauratz en ma valor
e non irai jamai alhor
ni non querai autrui conquitz;
qu?eras sai ben az escien,
que selh es savis, qui aten,
e selh es fols, qui trop s?irais.

III.

Long temps ai estat en dolor
e de tot mon afar marritz,
qu?anc no fui tan fort endurmitz,
que nom rissides de paor;
mas aras vei e pes e sen,
que passat ai aquelh turmen,
e non hi vuelh tornar jamais.

IV.

Mout mi tenon a gran honor
tug silh, cui ieu n?ei obeditz,
quar a mon joi sui revertitz,
e laus en lieis e dieu e lor,
qu?er an lur grat e lur prezen,
e que qu?ieu m?en anes dizien,
lai mi remanh e lai m?apais.

V.

Mas per so m?en sui escharitz,
ja non creirai lauzenjador,
qu?anc no fui tan lunhatz d?amor,
qu?er non sia sals e gueritz;
plus savis hom de mi mespren;
per qu?ieu sai ben az escien,

qu?anc fin?amor home non traist.

VI.

Mielhs mi fora jazer vestitz
que despoltatz sotz cobertor,
e puec vos en traire auctor
la nueit, quant ieu fui assalhitz;
totz temps n?aurai mon cor dolen,
quar aissis n?aneron rizen,
qu?enquer en sospir en pantais.

VII.

Mais d?una re soi en error,
en estai mos cors esbaitz,
que tot, can lo frairem desditz,
aug autrejar a la seror;
e nulhs hom non a tan de sen,
que puec? aver cominalmen,
que ves calque part non biais.

VIII.

El mes d?abril e de pascor,
can l?auzel movon lurs dous critz,
adoncs vuelh, mos chans si? auzitz,
et aprendetz lo, chantador;
e sapchatz tug cominalmen,
qu? ieum tenc per ric e per manen,
car soi descargatz de fol fais.

- letto 474 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/stimming>